
Saksnr: 2019/11-74
Saksbehandlar: Petter Lem Gullestad

Saksgang

Utval	Utv.saksnr.	Møtedato
Fylkesutvalet		11.05.2021

Søknad om midlertidig fritak frå verv - Morten Askvik (Sp)

Forslag til innstilling

Fylkestinget innvilgar Morten Askvik sin søknad om fritak frå sitt verv som varamedlem i hovudutval for opplæring og kompetanse. Fritaket gjeld så lenge fritaksgrunnen føreligg.

Samandrag

Morten Askvik (Sp) har søkt om midlertidig fritak frå sitt verv som fjerde varamedlem i hovudutval for opplæring og kompetanse. Fylkesrådmannen finn at vilkåra for fritak er oppfylt.

Rune Haugsdal
fylkesrådmann

Ingrid Kristine Holm Svendsen
fylkesdirektør

Saksframlegget er godkjent elektronisk og har difor inga handskriven underskrift

Saksutgreiing

Bakgrunn for saka

Morten Askvik har ved e-post 22. mars 2021 søkt om midlertidig fritak frå sitt verv som fjerde varamedlem i hovudutval for opplæring og kompetanse. Søknaden om midlertidig fritak er grunngeve med medisinske årsaker.

Vedtakskompetanse

Av reglement for fylkesutvalet punkt 3, går fram at fylkesutvalet har mynde til å ta avgjerd i saker som skulle vore vedteke av fylkestinget, når det er naudsynt å treffe vedtak så raskt at det ikkje er tid til å innkalle til dette, jf. kommunelova § 11-8.

Mynde til å gjere vedtak i søknad om midlertidig eller varig fritak frå verv som folkevald ligg opphavelg til fylkestinget.

Søknader om midlertidig fritak kan vere av kortare eller lengre tidsrom. Når folkevalde ber om fritak omgåande, meiner fylkesrådmannen at det av omsyn til den folkevalde er naudsynt å treffe vedtak så raskt som mogleg. Fylkesrådmannen legg difor saka fram for fylkesutvalet, og føreset at dette vert etablert som praksis.

Fylkesrådmannen si vurdering

Av kommunelova § 7-9 (2) følger:

«Hvis en folkevalgt ikke kan ivareta vervet sitt uten at det fører til vesentlig ulempe for han eller henne, kan kommunestyret eller fylkestinget etter søknad frita den folkevalgte for vervet midlertidig eller for resten av valgperioden. Når søknaden vurderes, skal det legges vekt på om grunnlaget for søknaden var kjent på det tidspunktet da den folkevalgte samtykket i å bli valgt.»

Av førearbeida (Prop. 46 L (2017-2018) følger:

«Det siktes her først og fremst til forhold knyttet til den folkevalgtes helsetilstand, arbeidsforhold, familieforhold og andre sterke velferdsgrunner. Etter bestemmelsen må det foreligge vesentlig ulempe. Dette innebærer at det ikke skal være kurant å få fritak.»

Søknaden om midlertidig fritak er grunngeve med medisinske årsaker. Fylkesrådmannen peiker på at dette er i kjerneområdet for tilfelle lovgjevar har meint å leggje til rette for fritak. Fylkesrådmannen finn at det vil vere til vesentleg ulempe for Askvik om han ikkje får innvilga fritak.

Eventuelt seinare val av midlertidig varamedlem

Av kommunelova § 7-10 (6) følger:

«Hvis antallet varamedlemmer eller en gruppes varamedlemmer til formannskapet, fylkesutvalget eller et annet folkevalgt organ som er valgt av kommunestyret eller fylkestinget, er blitt for lavt, kan kommunestyret eller fylkestinget selv velge ett eller flere faste eller midlertidige varamedlemmer.»

Val etter denne føresegna er aktuelt der talet på gruppa ikkje viser seg å vere tilstrekkeleg. Ved eventuelt val av midlertidig varamedlem skal fylkestinget velje dette etter forslag frå gruppa (Sp), og varamedlemen plasserast nedst på lista, jf. kommunelova § 7-10 (7).

Konklusjon

Fylkesrådmannen finn at vilkåra for fritak er oppfylt, og rår til at søknaden vert innvilga. Fritaket gjeld så lenge fritaksgrunnen føreligg.